


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之三十

吳德基傳

呂克明傳

盧公武傳

啟翁王公傳

王竹亭先生傳

王公汝積墓表

薇菴任公墓誌銘

顧侯光遠墓誌銘

浙江圖書館

王世貞續編

宋濂

楊士奇

楊士奇

薛瑄

錢溥

梁潛



淮漢顏公墓碑

許宗魯

芝山楊公墓誌銘

張時徹

盧公暨傳

北山龍公墓誌銘

羅洪先

都昌令俞先生墓誌銘

王璲

廬陵顏公墓誌銘

晏璧

安福伍公傳

李時勉

東湖董公傳

凌瀚

東山范公傳

崔桐

王君汝弼墓表

劉龍


浙江圖書館

吳德基傳

知州

宋 濂

吳德基者名履婺之蘭溪人也其父景奎故為孺鄉



人師尊之酷好為詩游山澤間方苦吟而雨至雨濡

其衣弗知也德基少受學聞人先生夢吉學春秋俊

邁有竒材長通諸史為文辭願司馬遷班固最好書

尤工行草得之者藏罽為榮元季教授鄉里名動一

特國朝取婺李曹公文忠為浙東省左丞聘德基為

郡儒學正李公數與語知其才辟為掾稱疾而辭有

司舉于朝為南康丞南康俗悍其民以為丞儒者也

易之德基自如數月皆周知其情偽有所發擿一縣

驚伏德基乃更以寬化之視民如子民有訴名使前
與語弗加咄叱民或援丞裾相爾汝弗責也有徵調
召其大姓坐之廡下好言誘之聽人人自說便否由
是民愛丞如父而吏卒不能為姦民王瓊輝仇里豪
羅玉成執其家人挾法笞辱之玉成兄子玉汝怒集
少年千餘人圍王氏家劫奪家人歸且縛瓊輝連道
箠之至家解衣箠殆死乃釋去瓊輝兄弟五人庭訴
齮指出血誓與羅氏俱死德基念成獄當連千餘人
勢不便乃召瓊輝語之田獨羅氏圍爾家邪對曰千
餘人曰千餘人皆辱爾邪曰數人耳曰汝憾數人而

累千餘人可乎且衆怒不可犯倘不顧死盡殺爾家
而就逮雖有司有法汝悔何及邪瓊輝良久曰吾恨
羅氏歆快吾憤爾惟明公所命德基乃捕操箠者四
人於瓊輝前杖數十血流至踵命羅氏對瓊輝引罪
拜之事遂止兩家皆叩頭曰公弭我事德基弘咸願
有所所獻德基却去縣令周以中初至召民轉輸至
郡不得躬至鄉召之一民逸去命卒笞之不肯伏走
入山罵令曰官當在縣何以至此為令怒吏卒因以
語動令欲誣一鄉民圖賄利獲六七人下獄扁鑄甚
嚴卒方往捕未返鄉民大駭德基計民無罪自出巡

獄叱卒釋之卒以它辭解德基槌碎獄門遣之曰若
無罪還告父兄無恐乃往告令令怒曰民無道衆辱
我君乃釋之何輕我至是耶德基曰犯使君者一匹
夫爾其鄉人何罪且法乃天子法豈使
怒具乎
令意慙乃已其俗好淫祀有蛇出戶限民怪之以為
神至奔走祠之德基罪神巫十人投其主江中為丞
六年去知長沙之安化去三月他吏用法急南康民
作亂命師討平之死者過半南康民泣曰我吳君在
寧有此禍乎安化鄰古三苗其土豪多糾民為兵既
盡降萬夫長易俊原獨特驍勇與麾下數十人遁入

山谷保儉自固郡邑患苦之江陰侯吳良承詔求
餘寇已移檄旁縣兵且集召德基計事德基曰易氏
未有反狀柰何激之使生變乎不若先以計致之果
反用兵未晚也否則出兵無名民先受其害矣願君
侯熟慮之侯曰令之言然吾為令徐之德基乃屏吏
卒步至山谷中抵俊原家家空一老人出對客德基
謂曰易俊原出見江陰侯則無事矣今不出大兵且
至一縣民皆為糞粉然殺一縣父兄弟者易俊原
非縣令也老人曰俊原必出惟明府哀憐之德基謬
曰俊原或未肯來得其子及麾下三四人先往可免

矣明日其子及麾下至如德基言兵止不發既而盡
致其麾下惟俊原一人度其勢孤乃招之曰君侯願
與俊原相見俊原喜詣軍門請見遂縛送京師事平
民安堵無擾江陰侯檄取故兵之為農者民咸自疑
驚奔相告勢甚危德基屬耆老諭民曰侯所取者兵
民無與也籍其願為兵者數人而止長沙郡令造戎
衣德基力爭曰吾邑民貧而俗暴恩之且恐其叛去
安可責以事功如他縣乎令格不奉命其罪小奉命
而致亂其禍大決不敢辭小罪而蹈大禍也郡從之
凡有徵徭皆不使之與越三歲入朝擢知萊之濰州

事民畜官驢四十匹萊守核其孳息狀與籍不合曰
驢當歲產駒今幾歲宜得幾駒乃何少也歆責欺罔
罪而徵其償諸縣皆已勒民買驢德基獨戒民勿償
守怒問德基澁不償驢何辭也德基曰民實不欺妄
烏可責其償 國家富極海內為吏者宜宣布德澤
為民除疾苦寧少數匹驢耶守語塞德基因畫不便
者數事守不敢復言并諸縣已償者皆罷之山東民
願以羊牛伐秋稅者官從其言德基與民計羊牛後
有死瘠患不如納粟便獨收民粟他縣牛羊送陝西
民驅走二千里皆破家郡以澁獨完令後千人部送

鄰縣牛德基列其不可曰有牛家送牛雖勞不敢怨
使人伐之脫道中牛死誰當伐償耶力爭不奉命德
基為吏不求威名以愛民為先尤重獄事凡有訟召
受訟者面直之釋其怒乃已不忍置民於獄獄屬空
當有追需於民不務速辨稍緩其期約故物價不湧
民視他所費恒減十二三所至民樂其簡易而感之
以為愛已居濰二年會改濰為縣召還濰民遮門抱
其足泣拜曰自得吾父濰民膚無笞癢今舍我去願
得隻履事之以慰我思其得民心如此德基至京師
遂謝事歸將行辭其友翰林學士宋濂濂為德基交

甚狎時亦致仕將歸呼德基謂曰若願受長者教乎
德基曰唯何以命之濬曰天子官汝五品秩乞骸
骨歸恩甚大汝知保之之道乎德基謝曰願卒教之
濬曰慎毋出戶絕世吏勿與交吾之教子無以加于
此矣德基至家如濬戒君子多其能受善言云 太
史公曰世俗恒謂儒者少功顧非儒者爾湯之興以
伊尹周之興以周公此獨非儒者耶何其功之大也
彼世之儒者其號則同其誦說其所操守者異於伊
尹周公者多矣豈特少功哉謂之不足用可也然其
間有足用者不可誣也俗吏以嚴急督責為足用謂

儒者為懦緩憤事而不知得民者非儒不能也。以予
觀於吳德基，恂恂不大聲色，而衆庶安其政。既去而
思之，視世吏之督責者，果孰多耶？德基之政，固世俗
之所笑者，而其心誠愛民，有足取焉。古所稱平易近
民，豈弟君子，非德基之謂耶？所謂難與俗人言，其此
類耶？

呂克明傳

呂昭字克明崑山人嗜學敏行洪武中以薦授徐州
訓導上疏言民事稱 旨改浦城縣丞縣故多荒地
昭以俸資市穀給無產者俾藝其地而不責其償縣
以富庶永樂中陞沁州知州父老持金為贈皆謝却
之然僅至杭已不能顧舟狼狽而歸比赴沁道出徐
州天寒尚未挾纊故所授經弟子共為買一毛裘顧
一驢以往其子旦既舉進士昭遺書戒之曰進士美
官然不能廉終非吾子死亦不歆汝祀其廉戒如此
旦字寅伯初任河南按察司僉事以事去職後以薦

起為建昌府推官正統間致仕性亦高潔環堵蕭然
未嘗以貧窶為意及卒不能喪蕭山魏文靖公驥遣
人買棺櫬之

盧公武傳

盧熊字公武其先本武寧人宋季徙家於吳再徙崑山父觀字彥達讀書有至行門人私謚夷孝先生熊元季為吳縣學教諭洪武初以故官迫遣赴京母卒竟歸復起為工部照磨尋以善書擢中書舍人遷兗州知州為政務愷悌不求赫赫名州初罹兵革人情凋弊適大帥李善長營魯王府浚兗州河熊撫綏供億事集而人不擾俄以簿錄刑人家屬事坐累死先是熊嘗上疏言州印篆文譌謬忤旨至是竟得罪熊少嘗從學楊維禎博學工文詞尤積篆籀所著有說

文字原章句鹿城隱書蓬蝸憂幽石門清溪等集別
有蘇州志兗州志孔顏氏世系譜總若干卷子彭祖
字長嬰洪武末任湖州武康丞永樂初薦授禮部主
事坐事謫阜城為民尋徵詣行在冠帶聽用以疾卒
彭祖幼傳家學不事藻麗而求以適用為政亦有父
風彭祖孫瑛字克脩宣德五年進士官刑部主事博
學工書尤工畫竹

四川成都府崇慶州知州愷翁王公傳

廬陵楊士奇撰

王先生名佑字子愷晚號愷翁王出琅琊繇金陵徙泰和
世係具家譜先生十數歲知自重以古人為歸不混流俗
初從鄉貢進士曹隨治毛氏詩長遭元季之亂與兄子
興先生避匿平川山中力學不輟兄弟自為師友稍出游
南昌興辛敬禹后壙達楊士弘練高劉永之輩為師友
行者平章遂禮致先生為塾賓聲譽日間四方江西既
內附先生首舉教官吏部試中經義皆十八人者入見是
日太史奏星象文明之祥太祖皇帝喜皆除監察御史

賜龍衣又賜宴御史臺先生劾奸貪振憲紀風裁勃勃動
人廣西平初置官府簡御史往任風憲以尋適為按察
使先生及胡子祺為僉事子祺曰古新國用輕典先生曰
蠻夷之人素昧君臣父子之分瀆倫傷人及此時明禮
法以示勸懲後將難制適從先生議先生所分按郡縣
吏民悚然三年偕子祺入覲時王師初平蜀重郡守之寄
遂徙先生知崇慶州子祺知彭州崇慶承兵革凋弊之
後植仆照稿隨事尽心民稍復蘇坐累罷歸而從學者
日衆先生嚴師道其施教有方務見實效後生晚季望
之皆內自歛肅不敢侈肆江陰徐遜知泰和縣勵精為治

聘先生訓導縣學日窮詣問政先生曰示民以好惡
之正而去其蠹耳遜靈以推先生之言聽而行之不
疑於是五六年知泰和者其設施當大體得民心
民至今誦道之無厭者莫有過遜蓋自先生導之矣
先生孝友忠信嚴毅端方海棄陳先生嘗言王子慤
壁立千仞不負所學劉尚書子高言子慤真風紀臣
包孝肅不足多也郭守曰子慤平居一言一語皆
可簡冊垂法戒蕭子所曰王公秋霜烈曰執固當憚
之先生擅文章養氣為要中歲以前所著毀于兵晚
獨存長江萬里稿先生年六十有六卒二男子皆殤

卒時堆二女子在其行事舊無紀述梁潛嘗從受經
畝作傳未及而卒余非角以姻家子恒得侍教猶及
見所藏僉事知州時政事文書克積牖不時不敢有
請今所藏魚復存者每念士君子挺持魁傑如先生
者一代無幾人其可使泯而無聞謹記憶耳目所得
大槩為此傳雖言不能詳觀者可推類以得之矣

王竹亭先生墓誌銘

楊士奇

國朝混一之初天下耆儒碩師往往多在徵
或進而階顯榮佐化理或退而信廉節成後進皆卓
然有益於世也是時泰和王竹亭及其弟子啟兩先
生正學篤行高風直節表乎大江之西洪武二年子
啟先生首舉明經為監察御史明年竹亭先生以說
書徵既至上書論事更授福建監運副使以老得辭
子啟先生後陞廣西按察僉事又擢知崇慶州政治
赫赫已而罷歸時竹亭先生春秋六十餘子啟先生
亦幾六十伯仲恭愛隆然必一堂出必鴈行長身

王立儼乎端恪魏冠褒衣檐檐甚偉蓋望之如神人
無不肅然起敬畏者至其接人色莊氣溫雍容怡如
語簡理盡無不樂就之焉竹亭先生諱沂字子興竹
亭其別號幼讀孟子即知辯於義利稍長刻厲學問
嘗從元進士楊升雲彭復初治周易造其室與自六
經至於周程朱張之書靡不深究及子史百氏咸旁
通博考蓋於天人之微聖賢之蘊徃古治亂成敗之
故蓄之富察之審言之而履之確也嘗一試有司不
合即不復出教授於其鄉而所交游徃還皆當世名
人元季江西叅政全普庵撒里守贛州禮遇先生辟

為行省照磨又承制授吉安路治中俱不受建

皇明龍興洪武三年廣東行省聘考貢士試是年侍
御史吳去疾言泰和王沂經學操行宜在侍近遂徵
為說書至未幾而歸益以成就後進為務從學者愈
衆傾竭底裏隨其材而篤之而皆有成先生 識高

明內貞外和氣度弘偉規範自然安成進士劉雲章
嘗贊之曰淵乎玄酒之在尊凜乎大阿之未出匣嚼
乎其清而挹之資竭薰乎其和而即之弗可狎又曰
使及門孔氏則風雲之詠歸端章甫之禮樂固將進
退綽然而特視其所合蓋確論也先生孝友篤至歲

時葬祭循古禮燕處必嚴未嘗啟口及人過失有文
 集若干卷承旨宋公瀛為之序詩若干卷襄城楊伯
 謙序之洪武十六年某月某日卒年六十有七王氏
 世有德義其先出晉司徒導之後由金陵來徙至宋
 戶部侍郎贊顯于仁宗朝事載郡志又若干世至圭
 為榮王府賓客與周文忠楊文節皆善學者稱虹溪
 先生虹溪若干世至性夫性夫子以道元李韓公復
 嘗薦之以親老辭二子先生兄弟也先生娶陳氏繼
 李氏皆有賢德子男一伯貞舉明經累官瓊州知府
 女一人嫁嚴玄齡孫男二信值舉進士為翰林脩撰

曾孫男八女三先生初葬于秋鄉大徑之原至是瓊
州公丁李夫人憂改葬先生新山之原使直屬士奇
銘墓士奇蓋生晚不足究知萬一然念鄉人老長識
先生者盡矣當時門人親受教者亦多不在將使後
之學者有志乎先進其何所考法也且士奇於王氏
重世好又少嘗侍教先生兄弟及瓊州公矣故不敢
辭不敏不銘謹述其所知大槩而為銘曰
奕奕玉山澄江洋洋猗歎先生邦人之望江山雲雨
于下士君子之道有畜不施道之傳矣孰不為材佐理
于隆濟濟偕來世其遠矣後來何師猗歎先生曷究予思

浙江
五
金



浙 江 圖 書 館

故奉直大夫絳州知州王公墓表

薛瑄

奉直大夫知絳州王公汝績沒之四年為景泰四年
其子佐奉汝績狀自江西走京師謁余請表諸墓按
狀公先世居鍾陵其大夫諱忠宋末為金谿場官因
家焉今為金谿人自曾大父復茂至其考處士仲允
比三世皆韜德弗耀處士娶林氏有婦行生公質異
凡兒處士識其他日必有立自童時即遣徒邑庠良
師友讀書砥行為儒者事公果能專心一力進脩不
怠比長通習經史子集優於舉子業永樂庚子江右
大比一薦即榜前列春官會試得分教福建政和分

以師道自勵勤於誨人出其門而登仕版者甚衆九
 年教有成績至京師大臣薦其才可治民遂陞知絳
 州絳在周為晉國在漢為絳侯封邑其地包汾隰土
 陘民繁產薄稅重人鮮知教而健於訟前守不數年
 率以事去未有滿考者公至州以謂人給則教行知
 教則訟息因行其土利有未興者興之視民業有偷
 惰者董之不數年民業饒給乃大脩孔子廟益廣學
 宮篤興禮義教養具脩絳俗日變爭訟衰息獄至空
 虛公尤善處事先時事有未集者督以豪猾吏卒因
 黃緣為奸民知其毒公即有事但書片紙為期約布

告鄉市民相勸趨下不知擾而事亦集州租率歲遠
輸給邊軍旁郡惟徵銀易米公則布帛氈裘諸物任
民所賣特取租辦而已人甚便之境有蟲類蝗將害
稼公禱諸正神虫害隨息有行劫者其境出卽掩捕
如法人服其明其他善政甚多不能悉紀大者如此
細者可知公在官九年考績當去耆民相率將詣藩
臬乞留公固止之則相與刻石以紀其政績行有日
暴疾卒其子佐跣經奉柩歸以某年某月某日葬某
原生於洪武丙子三月十七日景泰元年五月十二
七日卒享年五十有五公初娶何氏再娶吳氏皆先

卒後娶胡氏子男二并二女長政蚤卒次郎佐也為
縣學生二女皆適人公在絳時先遣其家歸金谿胡
氏聞公訃哭泣喪明妻貞子孝又知公之教行於家
也公為人性坦弗不為防畛篤於孝親迨遠與人交
始終無失其知絳州時嘗校文山東惟視其優於理
者取之後登進士榜於是年舉子為多人以公為能
因言以知人山右多聲妓官以音樂佐酒取敗者相
踵公速客不用絲竹惟禮飲終宴不譁其雅致尤不
可尚已於戲人不為難有才而驗諸設施為尤難公
之才見於教人治民灼有成效如此謂將遠施而止

於斯豈非命耶雖然公自筮仕以來將三十年克致
完節以沒有子克襄葬事亦可謂無憾也已公二子
皆從余學故知公尤詳既按狀并取所未載者述其
行實事業表於墓道以告來者

浙江圖



浙江圖書館

河南開封府睢州知州薇菴任公墓誌銘

勉

邑人錢溥撰

昔我高皇臨御之日欵畫變胡習一以法繩治求受郡縣
寄而得以全歸當時已無幾而况享耄耄保榮名而安故
里以考終如吾郡任先生益一人而已先生幼岐嶷屬志
篤學自郡庠生升胄監擢甲戌進士第授番陽令當時賢
令得五人而旌異之先生居其一滿九載陞知瀘州會番
民詣闕請留移守饒州府以前守在改同知饒州府事薦
為福建右叅政入為右軍都督府經歷考察南直隸官吏
出知徽州府以事謫滄洲者八年復以薦起知蔚州丁母

憂服闋知睢州年近七十卽上疏乞骸骨歸壽八十有九
 卒初先生宰番陽思前令所以亟出率因襲苟且拂民情
 而壅上德曰是法所以建已也卽大書孝弟忠信禮義廉
 耻八字於廳壁訪邑有德學為民所信鄉者為四門老有
 事相與酌輕重而去處之有不便者或粘匿名文于縣門
 先生命守之曰是教我也俾勿壞後潛自毀去婦有新寡
 訴夫兄弗育已先生曰汝欲它適乎乃判其背衫曰餓死
 事極小失節事極大後婦終守節它娶聞之亦無有貳志
 春秋二丁祭羊豕悉料于民先生曰是豈崇報意哉歲令
 里社分畜而獻之饒著為令暇則坐學宮與意哉講解改

授如嚴師鄰邑樂平傷屍誣逮若甚郡以檄先生卽微服
得其情兇者歎伏枉者得釋溥家食時嘗聞其政及今閱
天下郡志而饒果詳焉始知嚮所聞者不誣善獎煦士類
方憂制中聞溥與北郭陸潤玉競志于學一日棹小舟從
陸抵溥家盡索所為文覽之出謂所知曰陸宜處錢出手
餘二十年來吾二人出處頗定而先生知言哉先生旣歸
曰引諸孫授經史被野服課僮孥耕郡大夫歲禮為賓弗
預有宦達過其門往往閉弗訥與知者談及今古事猶言
論侃侃如壯夫先生資稟豐備長身玉立言動弗苟超然
負出羣志年雖老而氣不衰惜乎材僅見於郡縣不得大

五

展底蘊而使斯世得盡見其所有微集若干卷存于菴家
先生諱勉宗近思其先四明人高祖松鄉先生仕元為安
定書院山長松鄉集行示世曾祖子良受趙文敏公薦為
兩浙都運司照磨始徙松江祖伯威父季倫郡禮大賓俱
不仕母沈氏翰林學士度大理少卿繫之姑元配顏氏生
子肅早夭繼姚氏無子以弟勤次子弘為之子女二長適
吏部郎中俞宗大次適鄉貢進士孫璫孫男四順性志惠
生于元至正二十三年五月十日歿于大明景泰四年四
月十六日卜以年月日葬城東馬駝巷祖隴之原先是弘
以書來曰先君所知惟子况子聞先君喪則曰我宜銘於

是溥序其狀而銘焉銘曰彼罹法我傾維顯旌或貴而大
我維壽考君思豈偏天厚以內反諸身何愧于人不竟後
施良亦有以歛而歸之垂此來裔

浙江圖書



浙江圖書館

前泰和州知州顧侯光遠墓誌銘

梁潛

泰和始為州其民之衆亂久而後定治之尤難而

國朝初相繼為之守者得二人焉曰吳侯去疾顧侯光遠也二侯皆一時豪士顧氏先世居河南自宋高宗南渡始徙而南居姑蘇之嘉定元未有知侯之材者辟為掾京口及

太祖高皇帝下江南京口首納疑侯預有力其間遂徙

高皇帝入金陵監大軍倉支納三年授江西行省理問徙征陳友諒督饋運明年平陳氏擢知龍陽州時方甲辰年也招附懷來剷革宿弊民賴以息越二年改知泰和州龍

陽老 至號泣於道不忍侯之去至泰和前州守即吳侯也吳侯以民好訟告於侯侯憮然曰民有寃抑守弗為之理民將安訴頃 訟者雨集侯乃自為書榜聯紙長數丈誨諭諄切民爭來觀觀已去不訟者十二侯又俾凡訟者居譙門上思三日然後得訴思不三日去不訟者過半矣乃擇吏純謹者一人置簿受訟詞而勾稽其始末民誠負寃也輒為疏理非誠負寃願誨自止者聽不問未兩月民不復訟吏亦畏侯精敏無敢舞文以病民境有虎適其時禁民私蓄兵民無所措訴於侯侯為草檄告之神虎一夕遁去州以大治以丁祖母憂赴 闕陞辭 命畱翰林院

同議編大明律律成上進復 命監造天下均工圖籍已

而還服喪嘉定未幾起後授廣東行省郎中二年 召拜

吳王府副相留京師以他事註誤方逮繫間得疾飲水病

結胸而卒臨卒為詩壁間以嘅道其平生有白髮歸朝之

歎聞者悲之子存誠殯于都南門外三里店侯諱某生元

某年某月某日沒今洪武某年某月某日娶某氏子四人

長即存誠次存仁為河南偃師縣令以歿次存義存信存

誠令居嘉定存義存信從侯于廣遂畝家焉侯性澹泊不

尚侈靡所居廨宇室無長物惟藝蔬數畦食取克口衣取

蔽體而已至於治民事無巨細必盡其心在廣之日別廬

吏均轉輸浚城隍撫馴士馬安戰逋號令既明而賞罰
必信遠邇翕然及聞其歿爭欲為祠立石以頌其德者屬
有禁不可乃止侯嘗從元進士楊仲宏先生學賦詩氣豪
才贍而律調渾厚尤工七言晚自號蔗境翁詩數卷題曰
蔗境吟藁云於乎侯當草昧之初卓然諗知天命攀能附
聖主以自樹立可謂吐偉矣而用未臻其極功業不究於
當時獨其善政在民者民不忘也瓊州守王君伯貞徃來
廣海間得侯二子訪之又素知侯之惠愛不忍其泯也為
序其事以屬潛為之銘潛與王君皆泰和人也乃著其事
之大槩吳侯安慶人為殿中侍御史以沒其後無聞焉銘

曰

民歷草竊窮奸偷及茲弭寧誇相讐大吞小噬病曷瘳正
躬惠民邦兩戾後先敷政何優游絀舒伸暴帖柔回適
海沮嗟相羞嗟我侯古罕儔衣被寵光壯謀猷澤流
盈溢爵未優身永逝矣名無休

浙江圖

52
52
52



浙 江 圖 書 館

直隸鳳陽府亳州知州淮漢顏公墓碑

咸寧許宗魯撰

明有顏大夫者諱木字惟喬隨之應山人也溯其先葉源
自宜春歷世載德逮洞玄公篤生大夫其生也童非岐嶷
弱冠秀發壯而有室抗跡前古悖孝克友懋學砥行非禮
弗蹈非聖不誦鄉之人稱顏季子而不名益尊異之也正
德丁卯舉於鄉有司慶得人焉明年試於春官不第乃遊
南雍海內衣冠翕然宗尚咸以顏季子為師大夫直任弗
謝歸則德藝兩崇猷眎寰宇願納交者無間秦越歲丁丑
舉進士居都下與其鄉之人黃岡王生廷陳頤顏聲譽然

端雅峻潔人恒右大夫大夫益自信求同於俗乃竟于時
禁外補許昌大夫守許昌先教後政綱目井井渥於澤下
澆於承上再期政成使者揚於廷將移歸德乃竟移毫益
毫人當樞歎庇其土也毫故有武豪石氏弄畝州守大夫
鋤折不避乃又鄙抑當樞人於是謗沸洋溢盪眩耳目銓
衡耗焉竟落大夫職以歸於時怨者肆行將梗於途而毫
民德之護持以行得返於鄉大夫歸益礪淬自信不以進
退爽節乃言曰彼能尼吾仕而弗能錯吾履能黜吾爵而
弗能隳吾學吾將樹風立言示範來世為鄉先生矣乃謝
絕公府慎交親賓沈冥典冊遺畧世故屹然表立為望於

淮漢之間乃自號曰淮漢先生而人亦云然之不疑也於
是首著家政以範族次作州乘以裨政又作邑乘以善治
作七禮解以崇禮作選詩評以復古作十朝小識以存故
而其紀皇統述聖孝則聘志輿都筆削是宰乃其詩若文
則盪餘槁彙之矣總其學行大都則質直若汲黯無隱若
范武子廉若楊伯起不松若包希仁任真若陶淵明辯博
若荀卿沈潛若揚子雲恢洪該括若司馬遷班固古雅整
厲若延顏之謝靈運言有可法行有可尊益亦蕪古昔之
猷優為今時之萃美麗照永終矢言弗替乃其仕履享寒
所弗較也大夫有七人熙海光海壽海燭海燁海休海

孫子四分字埴字坦字堂字均皆能纂緒先業延繹世澤
稱克肖云西京許宗魯曰余表顏大夫之墓有深慨焉大
夫有輔世長民之德匡時濟艱之才華國鳴世之文制禮
作禮之學顧乃小試輒沮終焉卷藏天邪抑亦時邪余與
大夫同舉進士欽嚮其人謂當柄用康濟斯世今已矣哲
人多窮大才難用豈不信哉爰述其槩刊勒豐碑倡烈表
阡穹壤悠玄斯名始終云爾

明故奉直大夫湖廣沔陽州知州芝山楊公墓

碑銘

張時徹

楊公名茂清字志澄別號芝山世為鄞人系出青山代有
聞人至栖芸先生者公曾祖也諱九疇贈吏部左侍郎隱
居教授不蹈非禮人以太兵叔度稱之博涉墳典刻厲於
詩寔啓楊氏文獻之傳栖芸生三子長諱自懲號梅讀亦
贈吏部左侍郎嘗為泉州司倉以資祿養非其好也亦善
詞賦與父競爽名聞海上而栖芸梅讀二集至今並傳於
世云梅讀生三子長守陳禮部尚書號鏡川次守陞南京
吏部尚書號碧川初兄弟自相師友繼取高第流聲藝苑

林嘗對掌兩京翰院時以為未之有也碧川公初娶金夫人不子復娶於鍾年四十五而芝山公生方在襁褓端默雍容家長老已逆意其非凡矣稍長步履應對儼若老成既十年而碧川公縮符南翰携家以從公學書課誦漸露其竒已而出就外傳發憤於學其所從執經師僉以偉特期之已而為郡學生已又以碧川公廡為太學生曹耦推譽益著令聞顧屢試屢不第蓋竒於數也先喪金夫人繼喪碧川公及鍾宜人泣血悲慟殆不勝喪襄事靡所憾乙亥需次銓部授南京鴻臚寺司賓署丞時大鴻臚劉公軋以公謙恭雅度兼有文章大異流輩傾心誦下對人輒譽

不客口日此唐夔李宋范韓之後也孰謂任子無奇哉在
散職者凡九年茹疏服敵以寡約自持視貴遊公子崇奢
侈奉箴如也秩滿考績陞直隸貴池知縣池濱大江使傳
往來如織民好鬻訟故號難治公乃因土俗相時宜廉民
情稽故牒去所不便而與其所便暮月之內上信下服俗
用以熙有古循良之風焉干時涇縣有王瓚者逋青陽富
室周鑑金而欲陷之預構一丐婦蓄之鑑至索金輒殺婦
誣鑑訊者以鑑富為嫌莫之白也御史以事下郡郡檄公
往按閱其獄詞曰知見何不指近而以五十里外麻客手
瓚既被毆暈地又何能辨麻客姓名以之為証乎又云其

妻伏瓚背護瓚又何能毆及骨脇死乎已乃訊証人稍稍
吐實遂背而繫之詰旦至屍所益審居民則瓚門有溝溝
布朽椽為橋陽出婦與鑑爭墮橋而死瓚乃語塞而鑑得
免石埭一楊翁者生二子長子之子標次子死而婦與僕
姦翁逐之僕復潛至其家翁不直斥為姦也而以盜撲殺
之時標往青陽為親故壽僕家謂標寔殺之也而翁則訴
已當伏辜當道不聽竟以坐標而翁屢以訴公公密偵其
事得之而當道亦以標富憚於平反公承檄則逮青陽與
標酒者十餘人隔而訊之如出一口乃坐翁收贖而貸標
後三家年道經其家畫室男女羅拜於道且携一小兒告

曰此標出禁所生也非公則楊氏斬矣又貴池一王武業
皮為生嘗與劉廷璋為伴偕之不良人也一日廷璋懷假
銀及首飾數事約武渡江貨皮武方缺食見廷璋至而喜
其夕醉以烈酒殺而取其貨與其妻舁而沉之江其情頗
昧公廉得之妻當從坐公乃釋妻而坐武曰吾憐其二子
方在襁褓耳銅陵胡生弘緒者韓太守試冠諸生有一家
奴挈其妻子而逃弘緒訴媒氏之匿之也蹤跡所在相與
執縛之其奴先是病矣比送獄當夕身死其家亟陳于官
而客戶江西人其同籍也紛至為証御史按部疑之亦以
下公公覆訊之曰所謂鎖縛者實以送縣非私家也况奴

先有病乎遂原胡生會科試且迫夙夜以獄牒上胡生遂
得不坐而中應天鄉試其辨寃釋滯多類此也由是八鄉
黎赤率從化導賢能懋著檄委無虛日在邑迄不煖於席
時巡撫陳公鳳梧書其考曰讀書守分足徵家學節用慶
人不愧此心巡按葉君鏜曰行已克敦古道治民無愧循
良交薦於朝歷任六載旌舉凡十數甲午陞山東沂州知
州諸部使者聞之歎曰豈有美如貴池而與之億惡地者
哉去之日蕭蕭圖書敗索數事士大夫灑泣祖帳庶民聯
袂扶杖擁道遮留曰柰何奪我父母也乙未至沂沂故齊
之瘠壤也濱海沮洳十歲九歉逋負公賦動以萬計鑿山

莫海萑蒲之盜武相望也前政因循敗者踵接公撫字多方徵歛有法積負漸輸民亦以寧居凡一年而以才更馮陽道出貴池父老商旅逆之江滸摩肩踵履翼舟輿而趨曰何幸復見吾父母乎至有掩袂蘇蘇泣下者時郡丞李喬木在縣曰是不有新令乎而鼓舞於舊令若是孰將邀之孰將遏之乃知昔人去後之思墮碑之淚非虛語也丙申至馮即其所以治池與沂者叅而布之而治行炳然於全楚矣比三載考績思贈鍾氏為宜人當是時賢聲益懋顯擢且至公乃歎曰夫仕凡以為新也生則致其養沒則榮其號非以章綬私其身也今母氏已被國恩吾何求

哉且白首而殉祿貪人之所以自阱也知止而免辱哲士
之所以全身也吾其休乎乃力請於當道引年以歸其歸
也緝祖父之墓敦宗誼飭家教課子姓乃於戶外事一無
所問與鄉老南江戴公輩為耆英之會嘯詠風月白首龐
眉步履矯捷望之若仙每監司行部及郡邑長吏無不折
節賓禮春秋飲鄉率尊之為賓蓋藉以厲俗也嘉靖丙寅
忽嬰末疾以十一月初十日卒距其生成化庚子五月七
日享年八十有疾七于時郡人奔走相吊曰鄉喪耆耇士
士失典刑于今而後寧復有斯人哉公生平薦於人倫其
孝行章卓如前所云仲氏泗洲公茂深明洲公茂潛友慶

萬至翁若頃筮娶陸氏宣義郎某之女坤道允釐內修大
備以公貴封宜人先率公襄事惟腆悼之不置子男三長
美木以國子生釋褐福建布政司檢校遷無錫縣簿已又
遷黃岡縣丞已又遷靖江王府典寶木之蒞官也奉清白
之訓以周旋得免罪戾而展訊起居遙致珍腆即數千里
外殆無虛月比公之不康也木心動若悖投牒于諸司以
乞終養得允東歸而公已伏枕矣木率妻見俯伏床下執
手慰勞悲嘉交集凡侍湯藥者越旬備受治命而公乃捐
館人以為慈孝所感云娶范氏廣州太守祿之女繼聞氏
俱有婦行仲美秉年二十二率娶毛氏封兵馬鐸之女李

美耕孫男三俱木子長承燁貳室某出色庠生為美秉後
娶錢氏邑庠生公達女次承煥聞出聘余孫女次承燁亦
貳室某出聘范氏庠生某女孫女二一適陸良木一適上
舍生黃操存曾孫女一尚幼以隆慶元年十一月廿一日
啓陸宜人礦合塋焉美木嘗遊余門乃以狀來請文諸墓
道之石憶公八十時嘗為文壽公而叙其行其畧曰公平
生尊慕有德濶畧人短長其于口罕所訾議尤不嘉詐諛
恒以誠長者處人人亦以其故不忍欺紹無戚踰艾稚每
言論未嘗不推公長者蓋自其素所秉執然也日所接賓
客顧見之即疾趨而前肅肅長揖至地即卑幼咸待以鈞

禮子孫群從在側亦冠服對之以為常家素清約其官鴻
臚祿入蓋甚尠也乃以月奉易錢粟計口畫日而食之不
妄貸假至領州縣稍裕矣斤斤節嗇無異匱詘此所謂善
處豐約之際者非耶推無耳目之營顧獨嗜書日置古圖
史于左右孜孜誦說無間寒燠凡聖愁格言會于其意輒
揭諸垣楹以自迪它若藝苑談業奏記詞賦及方技家言
非購易可得者輒手自抄錄盈於篋笥蓋至於今不較仁
孝天至色養無方其喫二仲析也讓美堂構喫之而自處
湫隘或規其非計者曰不若是莫可寢而寐矣少司寇麟
洲公於諸從為長深心欽之以為論篤君子也昔仲尼有

云君子欲訥於言而敏于行以今芝山公之誠心質行化洽子孫即古所称萬石君何以異焉語云好礼不變好學不倦其公之謂與談者以為實錄

銘曰錫山之麓鏡川之陽坤靈萃止乘時發祥爰有栖芸萬夫之良懿其文德賁此一方誕啓曾孫羽儀廟廊於維碧川為龍為光乃有良嗣玉質金相分符郡邑載詠甘棠鄉之典刑國之鸞皇溘其逝矣疇不盡傷何木不萎何草不黃芝山蒼蒼光溪洋洋七尺者墳哲人斯藏有其訊之德音不忘

盧公暨傳

州同

盧熙字公暨熊之弟洪武四年以薦授睢州同知時中甫定歲復薦饑熙一意休息惟恐傷之明年行守事適御史銜命搜訪舊軍籍見民充之睢近千人檄熙拘送熙召民自實得嘗隸尺籍者數人昇之御史怒械繫曹吏必欲盡得不然以格詔論同僚懼議發民應之熙曰吾守民吏也吏散吾誰與處乃自詣御史曰州已無籍軍今民且散走獨有同知在請以充役御史怒斥去堅立不動竟不能奪後卒於官貧不能喪官為具殮喪歸吏民挽哭者十人道遇大雨無一人少却其得民心如此熙為人雅飭信厚博

涉經史亦善筆札子充賴字次農文學得於家傳而制行
尤高以能書薦留誥司將官之會熊死歸葬誓不復仕充
賴子儒字為已博學能文自負甚高亦以薦官中書舍人

浙江圖書館

直隸滁州判官北山龍公墓誌銘

吉水羅洪先撰

正德丁丑陽明王先生以都御史督軍虔南日與士人談
學於是處吉士人多出門下吉水國子生龍履祥將往其
父北山翁怒罵曰是皆飾虛名誑人者汝何得爾廢食偃
卧不起履祥至涕泣請不輟不得已許之履祥故侈汰驕
逸難近數月歸馴馴如處子翁喜曰吾今乃知王先生因
履祥以見願執事終身翁為人跌宕慷慨喜交游大起庭
宇常歌舞燕為豪絕不類吉水士人然與之策事飲九轉
機發莫能相難貌清古昂鼻多髯頗似先生先生悅之以

為軍門叅謀携之巡視閩中至豐城聞宸濠反同事錯愕
口噤莫知計所出先生易舟南趨吉安翁實贊之義兵起
集田僮百十人傾貲備鎧仗以從先生慮濠速發南都無
備歆以偽符疑兵綴之然濠謀四出諸郡士人積刦於威
多以耳目應計泄事且不測獨翁出入帷幄密授方畧親
信義之割愛遣之往往陷虎口不返吉水士人素重自守
而耻外援見翁先後所為若是莫不鄙薄之謂有他望如
翁昔日罵履祥云云者翁亦避匿不敢露濠既擒先生上
公卿書曰致仕縣丞龍某等或詐為兵檄以撓其進止壞
其事撓或偽書反間以離其心腹散其黨與陰謀秘計蓋

有諸將士所不與知而辛若艱難亦有諸部領所未嘗歷
蓋記實也嘉靖初論功賞以翁嘗為大足丞既致仕遙授
直隸滁州判官閒住廕一子為冠帶總旗論者多以為屈
而昔之鄙薄者口實益張翁不為悔後九年先生有田州
之役復檄以從是時將撫蘇王受而二酋方疑先生給也
陰持兩端擁衆二萬人投降實來觀釁先生遣翁諭意翁
乃數騎往蘇受之衆露刃如雪環之數十重呼聲震天翁
坐胡床引二酋跪前宣朝廷威德與軍門寬原不殺之意
辭懇聲厲意態閒暇二酋故嘗物色先生刑貌竊疑以為
先生潛來咸俯首獻疑誓不敢負議遂定自先生擒濠以

來權闡以讒攘搆功公卿以猜嫌嫁禍翁為之詭辭疑凶
遠偵防變得於目授意使之餘而應於謾對立談之頃有
高才弟子不能為力而獨寄心腹爪牙以出萬死於一生
者先生既卒功賞廢閣翁抱耿耿無所向退而垂老於家
年八十有五以卒蓋非經世故之久擅才智之用莫有知
翁之為奇也翁名光字冲虛其先為永新人有曰龍聖祐
始徙吉水又六世為躍川七世為時霖八世為翔字翁之
曾祖父也翔字負義氣入粟于官為義民娶東溪廖氏以
成化庚寅正月三十日生翁八歲為諸生十二入賢為國
子生三十六為大足丞六年致仕娶東坊毛氏以明女先

翁幾年卒生子一鵠即履祥女一適三都周某側室禁氏
無子履祥子子壽以善書選為中書料儒士辦事文華殿
與履祥皆早夭子壽子雲今纔十二歲翁卒於甲寅正月
六日後翁幾月禁氏亦卒其年九月二十三日葬翁仁壽
鄉一都藜洞李家山虎形首戌乾趾巽辰與毛氏合而禁
氏祔其塋稍下翁與先君數往來而余及交其三世近始
竒翁所為并欲訪先生行事而翁亦已老不待請而銘其
葬蓋有以也銘曰方歿選乘指驪為黃監車驥服孰辨駑
良芳草懷人知己病士千載一時才幾畢試欲施後世必
附青雲志業有其又何云



浙江圖書館

故承事郎都昌令俞先生墓志銘

官 青城山人王璵撰

先生初名楨後更貞木字有立姓俞氏世家于吳高祖諱伯成宋承信郎某處提幹官曾祖正國以上舍貢補進士祖諱琰元溫州路儒學錄學者稱石澗先生有易說數十卷行於世父諱仲溫平江路醫學錄先生少聰敏稍長能屬文年十五為志問學欲力追古人而及之既冠未有室人或勸之取先生以學業未成謝弗聽求嘉公麟以易經檀輦浙東西來寓吳中先生從之游多所開悟後陳公中進士甲科出宰明之慈谿先生復負笈從之卒業時元季

四方兵起明瀕海為郡尤多嘯聚之徒先生辭歸杜門不出
出研考程朱氏之說直將上探義文之秘與居間十餘年
視天下榮利泊如也 大明混一區宇先生始以薦者言
起家授韶州府樂昌縣令秩七品階承事郎尋丁匿錄府
君憂服闋謁選天官改南康府都昌縣令縣故有周元公
朱文公祠先生下車拜謁觀其室宇頽圯弗稱乃損俸金
為倡大修治之因以礼教其民翕然從祀化未幾政舉惠
行有古靈先生在仙居之風郡將上其績於 朝丁母
夫人朱氏憂民到于今惜之先生返鄉里以親族犯法例
弗起遂息交絕游屏棄世故間作為詩文以陶寫性情有

集若干卷藏于家先生與人處雖甚和易而中峭利不可
犯蓋先生以誠確之賢嘗瀆心為己學之故與衆殊人方
進取先生無營人皆戚之先生裕如浮沈至于晚節益以
清淨自娛焉安陸姚戾善來守郡折節下士聞先生名禮
致之訓其子會鄉人有訴曲直者妄以書抵先生初不之
知其人延理至秋官先生亦在擢召中事白將旋暴患下
痢疾子毓求名醫藥之弗瘳竟以洪武三十四年七月壬
寅卒于京師旅舍年七十有一取陸氏生子乾復皆先卒
以族人子為後即毓也卜是年八月十七日將歸葬吳縣
靈巖鄉先期毓泣拜請銘諡不獲辭乃為銘曰

災無妄命考終嗣既續裕厥宗故丘歸首馬鬣封我為
銘之昭無窮

浙江圖書館

直隸徐州沛縣知縣廬陵顏公墓誌銘

晏璧撰

顏伯瑋諱環字瑋以字行江西廬陵縣人洪武未任沛伯
縣知縣死節年五十顏氏為廬陵詩書家胃出唐太師魯
國文忠公居薊城為忠簡胡公胡里元至順壬申有諱洗
者由鄉貢進士辟憲府史死節廣東伯瑋之先世也伯瑋
聰敏介直能文辭洪武己卯詔郡邑徵賢良有司以伯瑋
舉擢徐州沛縣令以善政撫民未幾而南北構兵官軍駐德
州淮北之民終歲給軍餉伯瑋布置有方民趨事赴功不
敢告勞三年辛巳六月望北兵直擣濟寧過沛邑沛民多

竄匿兵退伯璫設法招來之民復業如故秋九月旨設有
豐沛軍民指揮司集民壯五千人築土堡以備禦尋調三
千益前軍所存二千皆疲軟四年正月兵駐沙河二十二
日攻沛邑伯璫遣縣丞胡先百夫長邵彥莊詣徐都督告
急二十六日攻益急伯璫呼弟珏暨次子有為曰兵勢盛
孤城無援事不可測倘有難汝脫身還家白大人環既為
人臣子職弗克盡矣又名為士臨難豈容苟免乎取筆賦
詩一章題察院壁曰太守諸公鑒此情祇因國難未能平
丹心不改人臣節青史誰書縣令名一木豈能支大廈三
軍空擬作長城吾徒雖死可無憾望采民艱達聖明漏下

二鼓兵入東門指揮王顯迎降伯瑋具冠帶升堂南望拜
自經子有為自刎以從俄而諸軍至擒主簿唐于清典史
黃謙俱死弟珏幸脫走濟寧踰月還沛詢邑人知伯瑋父
子屍已為胡先埋瘞二十二日至徐涖道其故伯瑋於予
為同郡沛於徐為屬邑予家居時知伯瑋善事父母交于
兄弟睦於族姍鄉鄙稱其六行無異辭故為郡守縣令所
知以其名聞及為沛邑令數以事至徐又同督運德州每
連牀共食談誦慷慨練達機宜予深喜鄉郡之有人屬縣
之得賢長吏期遠且大也嗚呼竟止於斯耶夫人其莫不
有死有重於泰山有輕於鴻毛死之難處非死之難也古

語云謀人之軍師敗則死之謀人之邦國危則亡之若伯
璫以藐然之躬寄百里之命其平居素志已定視死如歸
賦詩述情其賢於人遠哉

浙江圖書館

應天府上元縣知縣安福伍公傳

邑人李時勉撰

伯宍伍先生死孝近五十年翰林侍讀學士後學李時勉
迺為之傳先生諱洪伯宏其字也世謂吳行人子胥之裔
宋福州長史醇始家安福宮教先生誥皆其祖也資稟清
純為人剛介幽僻僧舍力學二十餘年時或友碩儒李行
簡周南瑞彭所存暨宗兄朝賓成均諸君子講論道義游
玩山水而已慨然有志三代顧夷虜之時而取仕之恭惟
我太祖高皇帝逐夷定夏為洪武三年庚戌詔各行省以
經義試士備用先生曰道可以行矣以春秋就試主司石

門梁寅薦于春官明年由春官登吳伯宗榜進士傳臚擢
山東臨清丞會有族任憲司又改徽州績溪簿有惠政部
使奏取命陞應天上元令未幾上察其清慎將擬大任適
父諱性中總邑賦輸于應天病故于官邸先生視病執喪
摩不盡厚奉柩歸塋悉倣禮制遠近賢之服闋郡邑催仕
先生辭曰烏有母老而養不顧者且吾幼失恃荷母訓愛
良多而吾之志亦小試矣奚必計其爵之崇卑乎先生家
富丁繁每欲效張公藝以齊之諸弟或不遵先生曰是吾
德薄古人強之終生異也於是隱于梅溪以養母至於衆
積憑弟自擇惟拾一二疲敝之具庶弟曰仲舒甚穉母子

子立先生子視之及長割其所有俾獲成立洪武丙寅異
母弟曰伯讓得罪出亡上遣官校擒之弗得直趨梅溪執
其母復命先生哭求代母曰汝往必死莫若老身當也媿
族朋舊諷之亦然先生曰母離步子即自死敢以弟故累
老母而全己身也官校頗難之先生奮然曰罪固死矣以
子代母以兄代弟何不可之有意就繁而行不之所終以
得壽五十有九悲夫平生詩文有溫雅之趣憶勉童時稍
知向往每於先正輒求親炙先生見輒竒之動必教之以
正逮先生別于鳳林送者數百無不涕泣先生神色怡然
若不介意又進時勉等曰吾為家也子其異日為國手言

猶在耳敢頓忘也每欲表以勵世未及為取適儀曹劉友
球編集郡志勉故述所見聞并以遺先生冢孫冕今任桂
東司訓云贊曰勉讀經史而知呂尚之擇主伏勝之篤

學兩疏之歸田薛包之讓產固羨其賢至於孔褒一門爭
死未常不三嘆其難若夫先生之一身聚諸賢之善行振
千載之綱常吾一人而已况我國朝以來道義自先生而
倡科第又自先生而始也世有骨肉相殘名利馳驅者聞
先生之寧風不愧死矣有功於名教大矣哉孔子所謂篤
信好學守死善道孟子所謂非文王而興之豪傑嗚呼微
先生其誰耶

唐東瓊州府崖州感恩縣知縣東湖董公傳

邑人凌瀚撰

先生名遵字道卿師楓山學居敬窮理時吾蘭多君子皆
及楓山門為先生交故先生自弱冠有志即懇懇力行銳
然不懈久淹邑庠江右胡東洲為督學禮為浙東奇士雖
吾蘭多口皆合謀稱曰真道學勿異也累不薦于鄉乃就
業太學去司南昌府訓郡二泉蔡虛齋督學尤極雅重凡
門下名士必令先見先生用剡薦遷掌溧陽教又薦遷江
浦令然不能俯仰於時上章仍乞文學掾移近養母顧益
遠調海南感恩令踰年以終養乞骸骨詔許之先生植耿

介茹清若砥礪道德狷守有餘母改錯追曲以從俗海內
名公交游徧焉異說紛起遜遜手將不可振也卒不競周
谷少廢楓山守法平生典學志道行在孝廉年十九而孤
奉寡母五十餘載如一日家若春必備膏滑力衰憊必敬
扶持問燠寒食飲嘻嘻如小孺子然病卧床褥手理汗穢
不辱他人母壽終九十五先生年且七十三矣猶哀哀劬
勞餐蔬啜水如初或曰禮過矣勿恤也兩職教又兩宰邑
一介不汙其身投老之秋荒徑蕭然叢莽寥闕朝夕不謀
也士奉情曲滿天下絕不午一人嘗有故人來僉浙臬素
知孤貧不遠數百里延之謂之曰某大辟情矜法順吾為

君理之出死入生數百金樂輸也先生曰貧自耳爾是惡
足以汙之遂謝去噫嘻古所謂孝廉人也先生其真無愧
哉系曰大道隱矣忠慤風微廉正節喪士貴巧容賤守默
如墮是在決而褰裳以就之接踵也先生執禮秉義以廉
耻為節循槩度不背繩墨守身事親忠君以颺其名卓卓
乎不可及已口道德身仁義嘉言懿行不盡書特孝廉其
節之大者云爾



浙江圖書館

江西贛州府瑞金縣知縣贈光祿寺少卿東山范公傳

海門崔桐撰

范光祿諱琛字廷猷號東山宣城人高祖惠任德冀二州
同知祖斯福父晟母施氏光祿狀貌魁梧雙目炯炯性剛
直負氣不能為澳認事少游郡學有文聲宿學老儒多所
推重督學御史浮梁戴公少可許得光祿試卷大噐之成
化丁酉中應天鄉薦屢試春官不偶弘治癸丑謁選天官
得江西清江令以母憂去服闋改令瑞金居數月聞廣賊
作夜半殺門卒攻城突入時瑞民洶洶竄伏左有強右光
祿急去者光祿怒髮上指挺然撫膺曰無去土誰與守吾

生平欲丈夫其行而學兒女子以自免於節義謂何遂從
民兵數十人迎敵殺賊二十人有奇相持至翌日賊少却
薄暮光祿力屈為賊所得挾至宋卒舍所問庫藏所有光
祿不為屈詈不絕口賊憤遂遇害時乙丑歲正月二日也
宋臣上其狀天子哀之贈光祿寺少卿賜塋祭命有司廟
祀立石廕其子為國子生光祿家居喜賑卹貧乏為閭里
所德治清江平賦興學屢白疑獄金俗尚行賄公禁之無
敢奸者死之年若干史臣桐日子讀武宗實錄乙丑之寇
臨江瑞州新塗永新諸郡被毒多矣而守令非無其人以
身徇民者周副使憲范知縣琛二人耳琛小臣也而能樹

節炳炳可尚也已伎之當塗分間緩急其可倚也夫菁莪
之化琛奚負焉而景風之恩志將無有所興乎

浙江圖書館

珠璣錄



浙江圖書館

河南汝寧府西平縣知縣贈光祿寺少卿王公墓表

襄王劉龍撰

河南西平知縣王君汝弼死於官守既膺恤典喪歸于潞

其孤國子生宦入謝畢將圖襄事迺奉遵化知縣李君堂

狀堂請予表墓予友太僕少卿孟君時元實為君銘弘治

乙卯君領山西鄉薦太僕與予皆君同榜故壤地相接而

相與為厚且狀君之死節為同鄉同榜增重誠不可以無

迹也銘以太僕而予則表之君個儻有大志素以才賢自

負謂功名可立致天下事皆不足為人廣坐中言論侃侃

稍款自見衆為傾聽信其不誣且有徵於後也既屢出禮

闡受汝寧西平令始至即惠愛為政招徠失業撫輯其居
者汲汲不少暇邑無廢事獄無滯囚時稱庶平會齊魯間
盜蜂起肆行劫掠遠近騷動君曰盜且至不可無備築城
浚大修戰守之具教民日事習武已而延及河洛聞西平
有備不敢犯嘗公出道遇羣賊欲辱之毅然持政不為屈
曰壯士舍之第取其馬而去久之勢益猖獗擁衆數萬奄
至城下大呼曰納我館之出而子女發而金帛則可以免
不然且屠邑君曰是尚可以為邑哉是亦何以令為哉迺
誓士民晝夜嚴兵固守且戰殺賊數十人有酋領躍馬出
君引弓一發斃之賊不忿趣攻益急時官軍皆遙駐不敢

為援凡三日力竭城陷被執竿之旗首使其黨射君瞑目
大罵幾絕復置之地少蘇則挺刃于頸抑令就跪君罵曰
我天子命官爾逋誅逆賊恨不能斬汝有死而已膝不可
屈遂殺而裂之事聞朝廷嘉其節義贈光祿寺少卿諭祭
一壇蔭孤為國子生令有司給棺斂傳送還鄉恩至渥也
方賊鋒之銳郡縣瓦解有委印綬棄城遠遁者有盛其供
帳宴犒開門迎款者士氣不振聞者大以為憂君慮之其
熟矣先是遣室李携其子歸家曰不可使先人無後則以
義命自自處分於必死不待城陷而後決也自是諸路聞
風死者相繼城守皆堅賊奔竄無所於得勢漸衰歇諸將

乘之奮勵而起兇渠以次就擒今在河南僅殘孽百數逃
伏延喘搜原剔藪指日底定未必不自君發之也故予始
聞君死哭之以詩以張巡不為綱常計郭令難成社稷功
之句誠知士節如此賊不足平也使當時握重兵已能遣
一裨往援則城亦自不陷君亦且不死雖其身幸免獲有
建立亦未必烈烈如今自豈天將啓太平固歆死君以節
為豪傑倡首使人人自効以為反正之計與論者以睢陽
既陷而援至謂天以全節畀巡遠為唐氏興復之基正此
意也以此坊民猶有都鄉佐之位素負時名當閫幄重寄
顧擁強自衛與賊連和養成大患幾不可救者卒之神人

共憤歸伏國憲械死於獄視汝弼之死其得失為何如哉
均之死也有輕於鴻毛有重於泰山汝弼其慮之熟矣予
故備論于此使他日史氏書平賊之功知有所本以附睢
陽之例若夫世系履歷葬事之詳有太僕誌銘在予可畧

云

餘

浙江圖



浙江圖書館





浙江圖書館

浙江圖書館善本


甲登記號：006688

一九 年 月 日



浙江圖書館

colorchecker CLASSIC






















浙江圖書館

xrite



colorchecker CLASSIC



x-rite

100mm